

ՀԱՅԿԱԿԱՆ ԿՈՏՈՐԱԾՆԵՐԸ ԱՆՑՅԱՒ ՄԻ ՇԱՐՔ
ԻՌԻՐԲ ՊԵՏԱԿԱՆ ԳՈՐԾԻՉՆԵՐԻ ՀՈՒՇԱԳՐՈՒԹՅՈՒՆՆԵՐՈՒՄ

Ա. Հ. ՓԱՓԱՋՅԱՆ

Ժամանակակից թուրք պետական գործիչներն ու պատմաբանները, շրջանցելով պատմական փաստերը, փորձում են քողարկել դարասկզբին Արևմտյան Հայաստանում և առհասարակ ամբողջ կայսրությունում տեղի ունեցած հայերի հալածանքներն ու դեմոստրացիան: Դիտակցաբար անտեսելով տեղահանության և կոտորածին վերաբերող փաստագրական նյութերը, նրանք աշխատում են խեղաթյուրել իրականությունը:

Հայտնի է, որ բազմաթիվ ուսումնասիրություններ և վավերագրերի ժողովածուներ են հրատարակվել արևմտահայության դանգվածային կոտորածների և հատկապես 1915 թ. երիտթուրքական կառավարության կողմից կազմակերպված և գործադրված Մեծ եղեռնի վերաբերյալ: Դեպքերին ժամանակակից թուրք գործիչներն ու անմիջական մասնակիցները, իհարկե, ամեն կերպ փորձել են հայկական կոտորածների ընթացքում իրենց կատարած հանցագործությունները բողոքել և իրագործությունները նկարագրել յուրովի, սակայն նրանց հուշագրությունների որոշ էջերում կան առանձին հետաքրքիր և ուշագրության արժանի խոստովանություններ:

1878 թ. Բեռլինի վեհաժողովից հետո, երբ Հայկական հարցը միջազգային բնույթ ընդունեց, սուլթանական կառավարության ազգային ու կրոնական հալածանքները, կյանքի ու գույքի անապահովությունը, հարկային ծանր լուծն ու գավառային պաշտոնյաների շարաշահումները ավելի մեծ չափերի հասան: «Իթթիհատ վե թերաթի» («Միություն և առաջադիմություն») կուսակցության հայտնի գործիչ Օսման Նուրի ալի մասին դրում է. «Նիստ հակողության տակ առնվեցին հալ պաշտոնյաները և հայկական հրատարակությունները: Այդ պահից սովորական երևույթ դարձավ աքսորը: Կուսակալների կողմից քննության առնվեցին հայոց եկեղեցիների և դպրոցների մասին տրված հրովարտակները: Վերջին տարիների ընթացքում փակվեցին այն հայկական դպրոցները, որոնք բացվել էին ոչ թե հրովարտակով, այլ միայն կառավարության թույլտվությամբ: Խստություններ ու բռնություններ գործադրվեցին նաև հարկերի գանձման հարցում»:

1890 թ. Աբդուլ Համիդի նախաձեռնությամբ կազմակերպվեցին հիմնականում բրդերից կալվածքային անկանոն դորագնդեր, որոնց զլխավոր նպատակներից մեկն էր հալածել ու կոտորել հայ բնակչությանը: Ժամանակի մեծ վեգիրներից Սալիլ փաշան ահա թե ինչ բնութագրություն է տալիս այդ դորագնդերին իր հուշագրության մեջ. «Համիդի հեծելազորները, տուրքերից ադատված լինելով հանդերձ, իրենց շահերի համար բռնություններ են գործադրում բնակչության վրա: Թե՛ վիլայեթի [վարչության] և թե՛ բնակչության բողոքներից պարզվում է, որ Դիարբեքրի շրջանում գտնվող «Համիդի» հեծելազորի հրամանատար Մուստաֆա փաշան, որը նաև աշիրեթի առաջնորդն է, զինված աշիրեթի մարդկանց, բառիս բուն իմաստով, դարձրել է բռնություն գործադրելու կատարյալ մի գործիք, վտանգելով շրջանի բնակչության ապահովությունն ու անդորրը: Դիարբեքրի նախկին վալի իսալիդ էֆենդին և նրա հաջորդը՝ Ֆալիք փաշան բազմիցս զրել են այն մասին, որ 4-րդ բանակի

¹ Osman Nuri. Abdul Hamid Sani ve devr-i sultanati. Istanbul, 1327, s. 833 (արաբատառ):

հրամանատար Զեքի փաշան չափից ավելի է հովանավորում հիշյալ Մուստաֆա փաշային:

...Այս տարի [1896 թ.] «Համիդիե» հեծելազորների զորախաղերի ծախսերը և նրանց ուժիկը ապահովելու համար ռազմական մինիստրությունը 35 հազար լիրա տրամադրելու զեկուլց էր ներկայացրել: Ես չեմ հասկանում, թե այս տարի ինչ զրդապատճառների հիման վրա է ցանկություն առաջացել անցկացնել «Համիդիե» հեծելազորների զորախաղեր: Հայերի աղետից հետո Անատոլիայի զրույթյունը բավականին նրբացել է և եթե քրդերը իրենց այս տեղաշարժերով բնակչության ունեցվածքին և անասուններին նոր բռնություններ գործադրեն, ուր ավելի հավանական է, դա առաջ կբերի մի նոր աղետ»²:

Ժամանակակից թուրք պատմաբանները ժխտում են Սասունի հայության 1894 թ. կոտորածների փաստը: Բայց ահա թե ինչ էր գրում հիշյալ Օսման Նուրին. «Անատոլիայից (իմա՝ Արևմտյան Հայաստան—Ա. Փ.) հասած տեղեկությունները չափազանց աղետալի էին: Ջարպը շարունակվում էր սոսկալի չափերով: Քաղաքային և զինվորական իշխանությունների տված հրամաններով քրդերը հարձակվել էին գյուղերի վրա, բայց ետ էին մղվել, ուրիշ հետո զինվորական ուժեր ուղարկելու անհրաժեշտություն էր առաջացել: Այդ ժամանակ զինվորները այրել էին գյուղերը և կոտորել բազմաթիվ մարդկանց»³:

Այդ դեպքերի մասին որոշ իմաստով հետաքրքիր տեղեկություններ կան նաև հայության հանդեպ վեժիխնդրությամբ լցված Քյամիլ փաշայի հուշագրություններում: «Լոնդոնում տեղի ունեցած մեծ ժողովներում հալեր արդարացվել են իրենց ապստամբության համար,— գրում է Քյամիլ փաշան,— իսկ Օսմանյան կայսրության պաշտոնյաները ենթարկվել են խիստ պարսավանքի: Հայերի ապստամբությունը գնահատվել է վատ կառավարման և հատկապես կրոնական խտրականության հետևանքով կառավարության կողմից հալերի հանդեպ ցուցադրված դաժանության արդյունք: Հասարակության կարծիքը մեր դեմ արև աստիճան էր բռնկվել, որ անգլիական կառավարությունը միտքները հանդարտեցնելու համար, առանց սպասելու տեղերում հետաքննություն կատարող հանձնաժողովի զեկուլցներին, իր դաշնակիցների՝ Ռուսաստանի և Ֆրանսիայի հետ նպատակադրվել էր Բեռլինի պայմանագրով պահանջել Օսմանյան կայսրության ստանձնած բարեփոխությունների գործադրումը... Այսօր [3 նոյեմբերի 1895 թ.] մոտս եկած Գերմանիայի դեսպանը, ակնարկելով Անատոլիայում տեղի ունեցած խռովությունները, նշեց դրանք վերացնելու անհրաժեշտության մասին: Նա ասաց նաև, որ ինքը չի կասկածում խռովությունները կանխելու Օսմանյան կայսրության ունեցած կարողության վրա: Նրանից հետո ինձ այցելության եկած Ավստրիայի դեսպանը այդ խռովությունների կապակցությամբ նշեց, որ քրիստոնյաների վիճակը դանադան վիճակներում երբեք էլ այնպես չէ, ինչպես ցույց է տրվել վալիների և մութասարիֆների կողմից Բարձրագույն դռանը ներկայացված զեկուլցագրերում: Նա հալտնեյ, որ նախորդ օրը տեղի ունեցած ժողովում հյուպատոսարաններից դեսպանատները ուղարկված զեկուլցագրերի ընթերցումներից պարզվել է, որ քրդերի կողմից կոտորվել են հազարավոր հայեր, առանց խտրականության: Դիարքեֆիում կատարված ֆրիստոնյաների սպանությունները, կողոպուտն ու բռնությունները, ինչպես նաև Անատոլիայի այլ վայրերում տեղի ունեցած երման խժոժությունները տվյալ դարում շտեմված իրադարձություններ են: Նա ավելացրեց նաև, որ միայն Զեյթունում կայսրության զորքերի հարձակման նետանալով գոհված հայերի քիվը հասել է 4500-ի»⁴: Տեղի ունեցած այս կոտորածներից հետո իբր թե «խղճահարված» Աբդուլ Համիդը, իր մեռ կանչե-

² Said paşanın hatıratı. İstanbul, 1328, c. 2, s. 372 (արաբատառ):

³ Osman Nuri, s. 828, 858 (հոդվածում եղած բոլոր ընդգծումները մերն են—Ա. Փ.):

⁴ Hatırat-ı Sadr-ı Esbak Kamil paşa. Kostantınya, 1329, s. 181, 187 (արաբատառ):

լով Քյամիլ փաշային, բացականչել է՝ «Ես ասել էի խփեք, այլ ոչ թե կոտորեք»⁵:

Հայերին զանգվածաբար բնաջնջելով և նրանց թիվը արհեստականորեն նվազեցնելով, թուրքական կառավարությունը ձգտում էր մոռացության մատնել Բևեռլինի դաշնագրի 61-րդ հոդվածը, ինչպես նաև մայիսյան բարենորոգումների ծրագիրը: Միևնույն ժամանակ սուլթանական կառավարությունը մեծ ջանքեր էր թափում թուլացնելու միջազգային հասարակայնության կարծիքը կոտորածների կապակցությամբ: Այս առթիվ Քյամիլ փաշան Աբդուլ Համիդին խորհուրդ է տվել օտար պաշտոնյաների ստորագրությամբ շտապ հոդվածներ հրապարակել արտասահմանյան մամուլում՝ հերքելու համար տեղի ունեցած ողբերգական իրադարձությունները⁶: Սակայն Քյամիլ փաշայի այս նկեղությունը սպասվող արդյունքը չտվեց: Իր ղեկուցադրում ուսական պետական խորհրդական Ժադովսկին այս կապակցությամբ հայտնում է. «Վերդիկցուցիչ ուղղմական միջոցառումների մանրամասնություններն արդեն թափանցել են եվրոպական մամուլ և ամենուրեք մերկացնող հոդվածների փոխարին է բարձրացել Հայաստանի քրիստոնյա բնակչության նկատմամբ թուրքական զորքերի կատարած գաղանալի գործողությունների դեմ: Այդ մեղադրանքների ստահող և անամոթ հերքումները, որ մոտ օրերս սուլթանի հրամանով հեռագրով ուղարկվել են արտասահմանի թուրքական ներկայացուցչություններին, հնարավորին չափ լայն հրապարակման համար, չկարողացան ցանկալի տպավորություն թողնել եվրոպայի հասարակական կարծիքի վրա և չկանգնեցրին մեղադրանքների և մերկացումների տարափոր, և վերջին օրերս Ի. Դուռը ստիպված եղավ առգելել օտարերկրյա գրեթե բոլոր լրագրների մուտքը Թուրքիա»⁷:

Սասունում և հառակից հայաբնակ նահանգներում, ինչպես նաև Կ. Պոլսում տեղի ունեցած կոտորածները մեծ հուզում առաջացրին ամբողջ քաղաքակիրթ աշխարհում: Բողոքների ճնշման ներքո, ի վերջո, սուլթանական կառավարությունը համաձայնեց հանձնաժողով ուղարկել Սասուն՝ հանգամանքները ուսումնասիրելու համար: Սակայն այդ հանձնաժողովի հետաքննություններն առանձնապես արդյունք չտվեցին, քանի որ Աբդուլ Համիդը վաղորդը հանձնարարել էր առանց բնութսյան արդարացնել տեղական իշխանություններին և մեղադրանքը բարդել հայ ղյուղացիության վրա: Մյուս կողմից մեծ տերությունները, սեփական շահերից ելնելով, իրենց ներկայացուցիչներին հրահանգել էին չսրել հարաբերությունները թուրքական հանձնախմբի հետ:

1895 թ. հոկտեմբերին Աբդուլ Համիդը ձեականորեն համաձայնվեց ստորագրել բարենորոգումների ծրագիրը, նրա մեջ մտցնելով ալնայիսի փոփոխություններ, որոնք տեղ էին թողնում թուրքական բնությունների համար: Օսման նուրին իրավամբ նշում է, որ «բարենորոգումների իրականացման մասին Աբդուլ Համիդի խոստումները կեղծ էին, «բարենորոգում» բառը վրդովեցնում էր նրան և գրգռում նրա ոնրային բնագույները»⁸:

Հիշյալ բարենորոգումների իրականացման հարցում տարակուսանք է հայտնում նաև Քյամիլ փաշան: «Ընթերցելու ընթացքում ես նկատել էի, — գրում է նա, — որ ալդ հոդվածները հաղիվ թե կործաղրվեին կլանքում, քանի որ քրդերի ղինաթափումը և քրիստոնյա պաշտոնյաների նշանակումը ծանր էր նստելու քրդերի վրա: Այնուամենայնիվ, քանի որ տվյալ որոշումը հաստատվել էր կայսերական հրամանով, ես ստիպված ուսորագրել էի այն, մատնանշելով նաև, որ տվյալ հոդվածների կիրառումը կապված է դժվարությունների հետ»⁹:

⁵ Նույն տեղում, էջ 180:

⁶ *St'a Belleten*. 1955, № 78, s. 227.

⁷ Генцинд армяни в Османской империи. Сборник документов и материалов, под ред. М. Г. Персияна. Ереван, 1982, с. 27—28.

⁸ *Osman Nuri*, s. 838.

⁹ *Kâmil paşa*, s. 186.

Դեպքերին ականատես թուրք գործիչներ Օսման Նուրին և Սադրկ Շահիդ բեր իրենց գրվածքներում, անդրադառնալով 1894—1896 թթ. արևմտահայության նկատմամբ կատարված հալածանքներին ու կոտորածներին, բերված բոլոր սլատնառաբանություններով հանդերձ չեն կարողանում թաքցնել ճշմարտությունը: «Այս ջարդը բոլոր պարագաներում,— գրում է Օսման Նուրին,— մի անարկու եղեռն էր մարդկության դեմ: Իսկ այս եղեռնի պատճառ հանդիսացողը, անկասկած, նույն Աբդուլ Համիդ Երկրորդն էր, որը ղեկավարում էր Յըլդըզի ալի հրոսակները և կոտորում էր ոչ միայն հայերին, այլև դեպի կործանում էր տանում ամբողջ հայրենիքը»¹⁰: Սադրկ Շահիդը նշում էր. «Հայերի վերջին կոտորածը նախապես մտածված էր. ծրագրված և կարգադրված էր սուլթանի կողմից»¹¹:

Մինչև համիդյան բռնապետության տապալումը, երիտթուրքերը աշխատում էին ոչ թուրք ժողովուրդներին ներշնչել այն միտքը, որ սահմանադրության վերահաստատումով կվերանա ազգային խտրականությունը, և բոլոր հպատակները հավասար կլինեն օրենքի առջև: Մինչդեռ 1908 թ. իշխանության գլուխ անցնելուց հետո, երիտթուրքերը ոչ միայն մոռացան իրենց տված խոստումները, այլ դարձան ժողովուրդների ազգային-ազատագրական շարժման բացահայտ թշնամիներ: Նրանք անբողջապես սրբեզրեցին Աբդուլ Համիդի արյունարբու քաղաքականությունը՝ իրենց դաժանությամբ գերազանցելով նրան: Ազգային հարցը լուծելու համար ընտրեցին ազգերը ոչնչացնելու ճանապարհը: Նրանց հանցավոր գործունեության առաջին դրսևորումը եղավ 1909 թ. Ադանայում և Կիլիկյան մի շարք նահանգներում տեղի ունեցած հայության կոտորածը: Իր հուշագրության մեջ Ադանայի կոտորածի մանրամասնություններին անդրադարձել է Ջեմալը՝ աշխատելով ամեն կերպ նվազեցնել հալածների թիվը: Հետագա թուրք հետազոտողները ևս ձգտել են ամեն կերպ թաքցնել Ադանայում երիտթուրքերի կատարած ոճրագործությունը: Մինչդեռ փաստերն ու վավերագրերը¹² բերում են այն եզրակացության, որ Ադանայի նահանգում կազմակերպված ջարդերը Աբդուլ Համիդի մեթոդով վաղօրոք նախապատրաստված և հրահրված էին երիտթուրքերի կուսակցության կողմից: Ադանայի կոտորածի մասին երիտթուրքական գործիչ Մեվլան Զադե Ռիֆաթը գրում է. «Այդ տագնապալի օրերին «Միություն և առաջադիմություն» կուսակցությունը հայերին չէր մոռացել: Կուսակցության կենտրոնական կոմիտեից ստացված հրամանի և հրահանգի համաձայն Ադանայի մասնաճյուղը Կիլիկիայում և հատկապես Ադանա քաղաքում քննադատելով կոտորածի նախապատրաստությունը էր տեսել... Դեղե Ադաջի գումարտակը առանց մի պատահառի հայերի վրա կրակ բացելու հրաման էր ստացել. Հայերի մի մասը շտապել էր պատսպարվել տներում, մի մասը՝ եկեղեցիներում և օտարազգի ճիզվիտներ: Ու ամենուրեք միասինների հաստատություններում: Այս նոր կոտորածը, որին անմիջապես հետևեցին հրդեհներ և կողոպուտը, շարունակվեց մինչև հաջորդ առավոտ: Երեխաներով լցված հայկական եկեղեցիներից մեկը կրակի տեղից...»¹³:

Արևմտահայությունը ամենադաժան հալածանքների և ֆիզիկական ոչնչացման ենթարկվեց հատկապես առաջին համաշխարհային պատերազմի տարիներին երիտթուրքերի կառավարության գործադրած նենգ և բարբարոսական

¹⁰ Osman Nuri, s. 866.

¹¹ Sadık Şahid bey. Islam, Turkey and Armenia, and how they happened. Turkish Mysteries Unveiled, St. Louis, 1898, p. 207.

¹² *Տե՛ս* Генощи армян в Османской империи, с. 193—220.

¹³ Mevlân Zade Rifat. Türkiye inkilabının iç yuzu. Birinci fasıl, Halep, 1929, s. 95, 98. (արաբատառ):

քաղաքականության հետևանքով, իրենց հուշագրություններում թուրք պետական գործիչները Թալաթը, Ջեմալը, Ալի Ֆուադ էրզեքը և հետագայում թուրք պատմաբանները գրում են, որ երկրի ներսում առաջացած ապստամբության հետևանքով կառավարությունը նախաձեռնեց հայերի տեղահանությունը, ումանք էլ փորձում են ապացուցել, որ տեղահանությունը իրականացվել է կովկասյան ճակատում թուրքական բանակի թիկունքը ապահովելու նկատառումով:

«...Իրը Անատոլիայի զանազան տեղերում սկսվեց հայերի տեղահանումը,— գրում է հայերի ցեղասպանության գլխավոր հանցագործներից Թալաթը,— Ստամբուլի հայերի շրջանում և մասնավորապես կոմիտեներում տրեքնյ արտասովոր տագնապ: Հայ կոմիտենների վարչական կենտրոնը, ասինքն արտաքին կաղմակերպության կենտրոնը, գտնվում էր Ստամբուլում: Այս քաղաքը կենտրոնն էր բոլոր տեսակի դինվորական շարժումների: Հետևյալը ընդհանուր շտաբը, նախ և առաջ Ստամբուլում որևէ ապստամբության հնարավորությունը խափանելու և նեղուցների պաշտպանությունը կաղմակերպելու նպատակով, իր ենթակայության տակ գտնվող ոստիկանական վերատեսչությանը հրամայեց ձերբակալել և պաշարման շրջանից հեռացնել բոլոր այն անձանց, որոնք առնչություն ունեն կոմիտեի գործունեության հետ: Այս հրամանը տրվելուն պես ոստիկանական վերատեսչությունը տեղեկացրեց ինձ: Փնտրվող անձերի մի մասը կովկասցի էր. նրանք, մի գիշերվա ընթացքում ձերբակալվելով, ուղարկվեցին Կոնիա: Ավելի ուշ բնիշ հանձնաժողովի կողմից պարզվեց, որ սրանք Անկարայի դինվորական ատյան տարվելու ժամանակ սպանվել են ոստիկանների կողմից: ...Ըստ էության, դինվորական նախապետական միջոցառում հանդիսացող տեղահանումը անխիղճ, աննկարագիր սարսափալից պատճառով ստացել է ողբերգական կերպարան: Նա նպատակ չուներ քաղցնելու այդ գործերի տգեղությունը»¹⁴:

Արևմտահայության ինքնապաշտպանությունը այս շրջանում ոչ թե ապստամբություն էր, ինչպես պնդում են Թալաթն ու Ջեմալը¹⁵, արդարանալու միտումով, այլ գոյության կռիվ: Հայերը դեմքի դիմեցին այն պահին, երբ կանգնեցին կոտորվելու վտանգի առաջ:

Բերլինի հատվածի սկզբում Թալաթը, խուսանավելով, ձգտել է թաքցնել ճշմարտությունը: Կասկածից վեր է, որ խոսքը վերաբերում է մեկ գիշերվա ընթացքում Կ. Պոլսի հայ մտավորականների ձերբակալմանն ու աքսորմանը: Արևմտահայության զանգվածային կոտորածների նախաշեմին տեղի ունեցած այս առաջին մահասարսուռ գործողությունների մասին դեպքերի ժամանակակից Ա. Ալպոյաճյանը գրում է. «Առաջին ազդանշանը ու անդրանիկ սարսափը, որ Կ. Պոլսի բնակչությունը անակնկալի մը առջև կդնեք, 1915 ապրիլ 11 (24)-ի ձերբակալությունները եղան: Մեկ գիշերվան մեջ Կ. Պոլսի մտավորական դասակարգին ամենեն կարկառուն դեմքերը և ժողովրդի՝ ամեն դասակարգերեն 250 հոգիի չափ անձեր, ձերբակալվեցան և Չանկըրը և Այաշ տարագրվեցան»¹⁶:

Թուրքական մեջլիսի դեպուտատ լինելու հանգամանքով, կառավարությունը որոշակի զգուշություն է հանդես բերել Գրիգոր Զոհրաբի և Վարդգես Մեհրինգյուլյանի նկատմամբ: Նրանք աքսորվեցին ավելի ուշ և սպանվեցին Հայկադի Լուրճա տարվելու ճանապարհին: Այս մասին երիտթուրքական ակտիվ գործիչ Ֆալիհ Ռեֆիկ Աթալը հայտնում է, որ «Ջեմալ փաշան երկար ժամանակ թղթակցում էր Թալաթի փաշայի հետ, որպեսզի Ստամբուլից Վանի ուղղակի ատյանը ուղարկված երկու երեսփոխանները՝ Զոհրաբն ու Վարդգեսը ազատ արձակվեն: Ջեմալ փաշան ասում էր՝ «Նրանք իրենցից ոչ մի վտանգ չեն ներկայացնում, թողեք ուղարկեմ Լիբանան: Թալաթ փաշան իր

¹⁴ Talaat paşanın hatıraları. İstanbul, 1946, s. 72—73.

¹⁵ Belicet Cemal. Cemal paşanın hatıraları. Ankara, 1959, s. 360.

¹⁶ Ա. Ալպոյաճյան. Անհետացող դեմքեր. Գրիգոր Զոհրաբ. Կ. Պոլիս, 1919, էջ 210.

պատասխանում նշում էր, որ Զոհրաբն ու Վարդգեսը ապահով վիճակում են գտնվում: Նրանց չենք կարող վերադարձնել, որովհետև նրանց դատարան ներկայանալը անհրաժեշտություն է. ...Որոշ ժամանակ անց լսեցինք, որ Զոհրաբն ու Վարդգեսը ճանապարհին սպանվել են Չերքեզ Ահմեդ և Նազրմ շեքենների կողմից: Զեմալ փաշան հրամայեց, որ երկուսն էլ անմիջապես ձերբակալվեն: Սակայն Չերքեզ Ահմեդը և Նազրմը, տեղեկանալով այդ մասին, առաջին հսկանացիով փախել էին Ստամբուլ, քանի որ Ստամբուլից հովանավորում էին նրանց»¹⁷:

Փաստերը վկայում են, որ տեղահանվեց այնպիսի շրջանների, գյուղերի և քաղաքների հայությունը, որոնք ճակատամերձ գոտուց շատ հեռու էին:

Նայիմ բեյի՝ վավերագրական նյութերի հիման վրա շարադրված հուշագրություն մեջ կարողում ենք. «Եփոստի ափերն արտաքսվածների [հայերի] մեծ մասը Կ. Պոլսի շրջակայքից էր, ինչպես նաև Ռոդոստոյից, Նիկոմիդիայից, Պարտիզակից, Ադաբազարից, Զիզրեից, Կոնիայից. մի խոսքով, նրանք Կեսարիայի և Անատոլիայի երկաթգծի երկարությամբ ընկած տարածքից արտոլված հայերն էին: Այս նոր տարագրումը ընդհանուր դարմանքի առիթ տրվեց: Անհասկանալի էր, թե ինչու մարդկանց քշում են Զորի ուղղությամբ: Մականյան անհանգստանալու համար առավել էական պատճառներ կարին: Ռուս ուլ-այնում և այլուր տեղի ունեցած կոտորածները տարածվեցին նաև Մեսկենում: Մի քանի տարի շարունակաբար կատարվող կոտորածները գաղտնի չբացվեցին նաև իսկ անապատում: ...Կառավարության պահանջը ամբողջ հույության ոչնչացումն էր: Նրանք իրավունք չունեին այլևս գոյատևելու»¹⁸:

Կասկածից վեր է, որ արևմտահայության բնաջնջման ծրագիրը խարտիված էր նախորդ ժամանակներում սուլթանական Թուրքիայի գործադրած քարդարարական քաղաքականության վրա: Որ տեղահանությունն ու կոտորածը կատարվում էին կանխամտածված ծրագրով, հաստատվում է նաև Մեվլան Զադե Ռիֆատի բերած փաստարկներով. «Միություն և առաջադիմություն» կուսակցությունը որոշում կայացրեց՝ ոչ մի մարդ կենդանի չթողնելու պայմանում սպանել և ոչնչացնել հայերին: Այս հրամանը իրականացնելու համար էլ նախագահությունը կազմեց մի հանձնաժողով Բեհանգդին Շաքիր, դոկ. Նազրմ և լուսավորության մինիստր Շյուքրի բեյերից կազմված, նրան տալով «Երեք գործադիր կոմիտե» անվանումը: Այս երեք գործադիր կոմիտեն «Թեշքիլատ-ը մահսուտե» (հատուկ կազմակերպություն) անվան տակ սկսեց բանտերից հույաքազերել քրեական հանցագործներին և ստեղծել շեքենների հրոսակներ: «Թեշքիլատ-ը մահսուտե» պիտակի տակ ստեղծված այս շեքենների հրոսակի կատարած հանցագործություններն ու բռնությունները, արատավորելով թուրք ժողովրդին աշխարհի հասարակայնության առջև, արյունալի և բարբարոսական էջեր արձանագրեցին նրա պատմության մեջ»¹⁹, — գրում է Մեվլան Զադեն:

Անժխտելի է, որ Գերմանիան ևս պատասխանատու է կատարված ջարդերի համար: Այս կապակցությամբ արժե բերել վերջերս Բաղդադի գիտությունների սկադեմիայի քրդական մասնաճյուղի կողմից հրատարակված Քիւմալ Մազհար Ահմեդի «Քոդստանը առաջին համաշխարհային պատերազմի տարիներին» աշխատությունից՝ Գերմանիայի մեղսակցությանը վերաբերող հետևյալ հատվածը. «Իրոք որ առաջին համաշխարհային պատերազմի տարիներին հայկական կոտորածների գործում գերմանացիներն ունեցել են իրենց սև դերը...: Բազմաթիվ հայկական շրջաններում, մանավանդ Ուրֆայում, թուրքական զորքերի մեջ կային նաև գերմանացի սպաներ, որոնք սառնասրտորեն դիտում էին օսմանյան թուրքերի ոճրագործությունները: Թուրք շարադրած դին-

¹⁷ Falih Rifki Atay. Zeytindagi, Istanbul, 1957, s. 78—80.

¹⁸ Aram Andonian. The Memoires of Naim bey. AHRA, 1964, p. 33—34.

¹⁹ Mevlan Zade Rifat, s. 108.

վորները հայտարարում էին, որ իրենք սուլթանի և գերմանական կաշգերի հրամանն են կատարում»²⁰:

Տեղահանված հայերի քաղաքականները հավիում էին ճանապարհին՝ զոհ դառնալով «Թեշքիլատ-ը մահսուսե»-ի շեթենների հարձակումներին, քաղցին ու հիվանդություններին: Տվյալ ժամանակ թուրքական 4-րդ բանակի գեներալներինց Ալի Ֆուադ էրզենը²¹ իր հուշերում նշում է, որ տեղահանված հայության թշվառ վիճակը շատ նպաստավոր էր բծավոր և որովայնային տիֆի տարածման համար, որ այդ վստակիչ հիվանդությունների պատճառով մեծ թվով մահացություններ են եղել²²: Ֆուադ էրզենը վկայում է նաև, որ համագործակցություն է եղել Բեհաէդդին Շաքիրի և Ջեմալի միջև, վեոջինս մշտապես տեղայի է եղել իրադարձությունների ընթացքին:

Տեղահանության և կոտորածի ընթացքում գործի է դրվել նաև հալերին մահմեդականացնելու քաղաքականությունը, որին մասնակցել է երիտթուրքական հայտնի կին գործիչ Հալիդե էդիրը, չնայած նա աշխատել է ցուց տալ, որ ինքը իրոք թե դեմ է եղել հայ երեխաներին մահմեդականացնելու ծրագրին²³: Մինչդեռ նրա ժամանակակից Մեվլան Ջադե Ռիֆաթի վկայությունից երևում է, որ Հալիդե էդիրը ևս, «հայ որբերին հավաքելով, մահմեդականացնում էր և դաստիարակում որբանոցներում որպես թուրքերի»²⁴: Հարկ է նշել, որ քրիստոնյա երեխաներին մահմեդականացնելով թուրքացնելը նոր երևույթ չէր, դալիս էր դեռևս միջնադարից, իրագործվում էր մանկաժողովների միջոցով: Հավաքագրված քրիստոնյա տղաներին հատուկ գորանոցալին պալմաններում մուկուսնդ իսլամի ոգով դաստիարակելով՝ դարձնում էին ենիչերի:

Հայերի մահմեդականացման քաղաքականությունը գործադրվել էր նաև 1890-ական թթ.: 1894—1896 թթ. դեպքերի կապակցությամբ Օսման Նուրին նշում է, որ հայերին բռնի իսլամացնելու առթիվ ոռոսական կառավարությունը խոր դալրույթ է հայտնել²⁵: Թուրքերի այդ քաղաքականությունը լալն մասշտաբներ էր ստացել Մեծ Նդեռնի ընթացքում: Տեղի ունեցած իրադարձությունների մասին Մեվլան Ջադե Ռիֆաթի գրքում կարդում ենք հետևյալը. «Ամենուրեք սկսեցին հավաքել հայերին, նույնիսկ առանց հաշվի առնելու հիվանդներին, ծերերին և երեխաներին: Նրանք, ովքեր ընդունում էին մահմեդականությունը, ժամանակավորապես դուրս էին հանվում քարավաններից, իսկ մյուսներին խմբերով, ժանդարմերիալի հսկողության ներքո ուղարկում էին նախատեսված ճանապարհներով»²⁶:

Թուրքերը աշխատել են մահմեդականացնել հատկապես Սիրիա տարագրված հայությանը: Ահա թե ինչ է գրում այդ մասին Ֆալիհ Ռեֆիկը Աթալը. «Սիրիայի խորքերը աշտաքսված հայերը պիտի նոսրացնեն նաև արաբներով խիտ բնակեցված վայրերը շեքեզներով, քրդերի և մուսնների նման: Նույնիսկ մի հանձնաժողով կազմվեց, որպեսզի հայերին և՛ տուն, և՛ հող տրամադրվի մահմեդական դառնալու պայմանով»²⁷:

Նույն հարցի մասին Նալիմ բեյը գրում էր. «Ամենուրեք մուկեզնում էր տիֆի համաճարակը, տեղահանություններով զբաղվող կալմակամները ու ալ պաշ-

²⁰ Տե՛ս Հայ-քրդական հարաբերությունների պատմությունից. պիտաինֆորմացիոն բյուլետեն. 8 (62), Երևան, 1983, էջ 27:

²¹ Բանակային դեներալ Ալի Ֆուադ էրզենը եղել է Թուրքիայի ոսղմական ակադեմիայի պետ և պաշտոններ է վստել ոսղմական վճարեկ աալանում և ոսղային պաշտպանության հրամանատարություններում:

²² Ali fuad Erden. Birinci dünya harbinde Suriya hatıraları. c. I. İstanbul. 1954. s. 122.

²³ Memoires of Halide Edip. New-York, London, p. 389.

²⁴ Mevlan Zade Rifat, s. 145.

²⁵ Osman Nuri, s. 200.

²⁶ Mevlan Zade Rifat, s. 119.

²⁷ Falih Rifki Atay, s. 79.

տոնյաները ամեն օր զեկուցում էին մահացությունների մասին: Մահը ոչ ընչացնում էր ոչ միայն հայերին, այլև տեղի բնակչությանը: Մի անգամ ես Աբդուլահադ Նուրի Բեյին ասացի՝ բեյ էֆենդի, եկեք հայերի սքսորը որոշ չափով թեթևացնենք, քանի որ մահվան սպառնալիքը կախվելու է ամբողջ Միջագետքի վրա: Այս լայնածավալ երկրամասում բացի սատանաներից ոչ մեկը չի մնալու: Ռաա ուլ-այնի կայմակամը հաղորդում է տազնապալի տեղեկություններ: Նուրի բեյը ծիծաղեց. տղաս, ասաց նա, այսպիսով մենք կազատվենք երկու վտանգավոր տարրերից: Չէ որ հայերի հետ մեռնում ես նաև արաբները: Մի՞թե վատ է դա: Դրանով մահրվում է բուրժուազիականացումը²⁸:

1919 թ. մարտի 8-ին Թուրքիան պատերազմի ներքաշող, հայկական կոտորածներ սանձազերծող հանցագործները դատի տրվեցին: Կ. Պոլսի ռազմական արտակարգ ատյանը հուլիսի 5-ի դատապաշտով պատիժներ սահմանեց երիտթուրքական կառավարության մի շարք անդամների, «Միություն և առաջադիմություն» կուսակցության ղեկավարների համար. հեռակա կարգով մահվան դատապարտվեցին դոկ. Նազըմը, էնվերը, Ջեմալը և Թալաաթը²⁹: Ջեմալը իր հուշագրություններում փորձում է արդարանալ, թե ինքը մեղավոր չէ արևմտահայերի բնաջնջման գործում: Նա ընդունում է, որ հայերի տեղահանությունյան ժամանակ տեղի են ունեցել բռնություններ և կոտորածներ³⁰: Թալաաթը, Հալիդե էդիբի վկայությամբ, խոստովանելով հանդերձ իր անմարդկային արարքը, արդարացում է սրտնեղ ազգային շահերի տեսակետից. «Ես այն համոզմանն եմ, որ այնքան ժամանակ, երբ մի ազգ իր սեփական շահերի համար անում է ամեն ինչ և հաջողում է, աշխարհը ընդունում է այդ: Ես պատուստ եմ մեռնելու այն բանի համար, ինչ կատարեցի և ես գիտեմ. որ կմեռնեմ դրա համար»³¹:

Թալաաթը, իսկապես, իր առժանի պատիժը գտավ, երբ սպանվեց հայ վրիժառու Ս. Խեչիրյանի ձեռքով 1921 թ. մարտի 15-ին Բեռլինում: Սպանվեցին նաև Ջեմալը և երիտթուրքերի ղեկավար մի շարք գործիչներ:

ГЕНОЦИД АРМЯН В МЕМУАРАХ РЯДА ТУРЕЦКИХ ГОСУДАРСТВЕННЫХ ДЕЯТЕЛЕЙ ПРОШЛОГО

А. А. ПАПАЗЯН

Резюме

Современные турецкие историки, замалчивая факт геноцида армян в Османской империи, пытаются фальсифицировать истину и оправдать падачей армянского народа. Однако некоторые турецкие деятели прошлого—современники и непосредственные участники массовой резни, в своих мемуарах иногда вынужденно признают факт геноцида армян.

²⁸ The Memoires of Naim bey, p. 6.

²⁹ Տե՛ս Թուրքական պատմական fakım-i vakai Թերթի № 3604-ի հարկվածը, էջ 217—220 (արարատյան):

³⁰ Cemal paşa, s. 362.

³¹ Halide Edip, p. 387.